



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

26. S. Stephanus Protomartyr

[urn:nbn:de:hbz:466:1-52716](#)

Instructio meritoria.

Coram Præsepio. Ibi per horam perseveremus, & cum officio de amantissimo Corde Jesu in honorem quindecim Mysteriorum tria S. Rosaria addamus. Oranti, & ad cunas Jesu vigilanti dabitur manna absconditum, & nomen novum.

Festum Gloriosissimi Protomartyris S. Stephani.

EXHORTATIUNCULA I.

LApides torrentis S. Stephano dulces fuerunt. Cur? Quia gaudens suscepit, ut mereretur accipere coronam gloriæ. O igitur quam verum Pauli dictum: *Non sunt condigne passiones hujus temporis ad futuram gloriam.* Daemon patientiâ confunditur. Fortitudo, & laus nostra Dominus. Fili! non interrogemus, quæ patimur? Sed quæ passus est ille: Quanti nos fecit, ex his, quæ pro nobis passus est, attendamus. S. Bernardus.

Instructio meritoria.

Lapides sancti Stephani nobis non defunt. O utinam non & illius patientia!

Gg. 7 Conf-

710 XXVI. Decembris. S. Stephani.

confiteamur huic fiducialiter nostram infirmitatem, & ut tempore tribulationis nobis potenter assistat, cum hodierna Communione sacramentali unum Rosarium ei offeramus, desiderantes:
Lapidari Domine cum S. Stephano, lapidari, & non mori.

II.

Ecce video cœlos apertos, Exclamat B. Stephanus. Vedit & Jesum stantem à Dextris virtutis Dei. Hæc præmia sunt pro Deo decertantium. Si delectent, non attendamus, quid dicant homines, sed quid mereatur Deus, & quid à nobis exigat Christus. Hinc S. Augustini monitum: *Hæc quanta sint, cogitate! Hæc in statera cordis vestri appendite, & totus vobis figuratur in corde, qui totus pro vobis fixus fuit in Cruce.*

Instructio meritoria.

Sed quid exigit Christus? Victoriam de respectu humano, qui toties nobis clauserat cœlum. Igitur in Divinis officiis, exercitiis religiosis, & visitationibus Ecclesiæ simus zelosissimi. Claudamus sensus, mortificemus visum, & linguam, & videbimus Jesum stantem à Dextris Dei. Porro Rhythnum dicamus Angelici Doctoris: *Adoro te devotè latens Deitas.* Non sensibûs, sed spiritu jungimur Deo.

III.

Intra dolores fortè obiit S. Stephanus? Neutquam: sed obdormiit (memorant acta Apostolo-



stolorum : *in Domino.* Mors piè viventium somno est similior ; quia tunc belli finis, & pacis initium. O fili ! an non & nos desideranter ingemiscimus ; *Moriatur anima mea morte iustorum !*

Instructio meritoria.

Dabitur, si vivamus, si laboremus, si & patiamur ut Justi. Igitur pactum faciamus cum omnibus Sanctis in coelo triumphantibus, saltem semel in septimana recitandi *Lyranias de Illis*, ut vel hoc foedere nobiscum vivant inter hujus saeculi miseras, & varietates : & tandem à lectulo mortis feliciter, suavitérque deducant ad optatam patriam. Notemus & Divi Augustini Doctrinam : *Mori male times, & male vivere non times.* Corrige male vivere, time male mori : Sed noli timere : *Non potest male mori, qui vixerit bene.* Id quod nobis tribuant Superi !

Festum S. Joannis Evangelistæ Discipuli
Christo amicissimi.

EXHORTATIUNCULA I.

Hic est discipulus, quem diligebat Jesus. Cur dilexit præ cæteris ? Quia Virgo electus à Christo, Virgo in ævum permanxit. O Fili ! quò plus cordis amaverimus puritatem, & munditatem, eò plus crescimus in amicitia cum Christo. Puritas cor possidentis lætificat, & animæ ad cælestia alas addit ; passiones minuit, & animum à turbationibus protegit ; justos illuminat, & diabolo offundit tenebras. Beatus, qui

sic